

DATA	25/06/2009
Nº	1145

1024 RBF

Examinado o expediente tramitado para a contratación da execución da obra denominada "RENOVACIÓN E MELLORA ABASTECIMIENTO AUGA RUAS CORTIÑA, LEONZAS, V. ENCINA, M.A. REBOREDO E A SEARA", incluída no plan de obras e servizos de competencia municipal para o ano 2009", a adxudicar mediante procedemento negociado.

ANTECEDENTES

1. Con data 5 de maio de 2009, mediante a resolución nº 790, da Concelleira Delegada de Economía, Facenda, Réxime Interior e Seguridade, apróbase o expediente de contratación mediante procedemento negociado sen publicidade da obra denominada "RENOVACIÓN E MELLORA ABASTECIMIENTO AUGA RUAS CORTIÑA, LEONZAS, V. ENCINA, M.A. REBOREDO E A SEARA".

2. A tal efecto publicouse un anuncio no diario La Voz de Galicia e no perfil de contratante solicitando ofertas de empresas capacitadas para a súa realización. Durante o prazo de presentación establecido, presentan ofertas as seguintes empresas:

Empresa
CONSTRUCCIONES Y OBRAS JOSÉ ANTONIO, S.L.
GESTAGUA, S.A.
JESUS MARTINEZ CONSTRUCCIONES
AIN MPRESA DE SERVICIOS PARA LA CONSTRUCCIÓN S.L.
PAN Y DIAZ, S.L.
GAUXS
CANARGA, S.L.
CONST. J. CARRO, S.A.
PROQUINTAS, S.A.
MARCO OBRAS Y PROYECTOS, S.L.
HORDESCON, S.L.
ALDASA

3. Analizada a documentación administrativa, resulta que todos os licitadores amosan capacidade suficiente para ser admitidas no procedemento de contratación, solicitándose da Area do Medio, Servizos e Obras a valoración das mesmas.

4. Visto o informe emitido polo técnico municipal e as ofertas económicas presentadas, determínase a oferta máis vantaxosas para esta Administración en base aos criterios establecidos nos pregos de condicións administrativas particulares de aplicación.

CONSIDERACIÓNS XURÍDICAS

1. O artigo 153 da lei 30/2007, pola que se aproba a lei de contratos do sector público (en adiante, LCSP), establece que no procedemento negociado a adxudicación recaerá no licitador xustificadamente elixido polo órgano de contratación, tras efectuar consultas con diversos candidatos e negociar con eles as condicións do contrato.

DATA	25/06/2009
Nº	1145

2. O artigo 135 LCSP establece que a adxudicación provisional acordarase polo órgano de contratación en resolución motivada.

En base a todo o que

RESOLVO:

PRIMEIRO.- Declarar a validez do acto celebrado e adxudicar provisionalmente a obra “RENOVACIÓN E MELLORA ABASTECIMIENTO AUGA RUAS CORTIÑA, LEONZAS, V. ENCINA, M.A. REBOREDO E A SEARA” á empresa GESTAGUA, SA, CIF A78139755, por ser a que presenta unha mellor oferta considerando os aspectos de negociación establecidos, fixando o prezo en 115.776,84€, IVE incluído, e o prazo de execución en 84 días naturais.

SEGUNDO.- Requirir ao adxudicatario provisional para que, durante o prazo de 15 días hábiles contados dende o seguinte a aquel en que a adxudicación provisional se publique no perfil de contratante do órgano de contratación, presente a seguinte documentación:

a) Documentación xustificativa de estar ao corrente no cumprimento das súas obrigas tributarias e coa Seguridade Social. Non estará obrigado a achegar as certificacións positivas indicadas anteriormente no caso de que autorizase a cesión da información tributaria que se indica na cláusula 12. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Documento acreditativo de ter constituído a garantía definitiva por importe do 5 por cento do importe de adxudicación, excluído o imposto sobre o valor engadido, por calquera dos medios a que se refire o art. 84 da LCSP.

TERCEIRO.- Comunicar ao adxudicatario provisional que, en cumprimento da cláusula 28 do prego de cláusulas administrativas particulares, antes da formalización do contrato deberá aboar 415,28€ en concepto de anuncios de licitación.

CUARTO.- Comunicar ao adxudicatario provisional que, unha vez transcorrido o prazo establecido no parágrafo segundo, se non se procedese á adxudicación definitiva do contrato a quen resultara adxudicataria provisional por non cumprir as condicións necesarias para isto, a Corporación procederá a efectuar unha nova adxudicación provisional ás interesadas seguintes a aquela, por orde de clasificación das súas ofertas na negociación, sempre que isto fose posible.

QUINTO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposición e das características da proposición do adxudicatario que foron determinantes da adxudicación ao seu favor

SEXTO.- Dar conta da presente resolución á intervención municipal.

DATA	25/06/2009
Nº	1145

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso- Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxera o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 23 de xuño de 2009
A proposta de
O xefe de sección de xestión
orzamentaria

Asdo/ Roberto Babío Fernández

Dou fe,
O secretario xeral

Asdo/ Raúl Martínez Martínez

Conforme coa proposta, elévase a resolución
Culleredo,
A concelleira delegada de economía, facenda, réxime
interior e seguridade

Asdo./ Alicia Ferreiro Varela
(Resolución nº 1210/07 de data 2 de xullo de 2007; BOP nº176 , de 1/8/2007)

Intervenido e conforme,
A interventora xeral

Asdo/ Ana Mª Prieto Martinez